

რეზიუმე

თემის დასაწყისში ჩვენ ვიხილავთ გლობალიზაციის სირთულეებს, რომელთა გათვალისწინება აუცილებელია ეკონომიკის განვითარებისათვის.

თემაში ვითვალისწინებთ იმ მოსაზრებასაც, რომ მსოფლიო ფინანსური კრიზისი არ შეხება საქართველოს ერთი მარტივი მიზეზით - არ არსებობს ეკონომიკა და ვერ იქნებოდა მოვლენაც.

მიმოვიხილავთ რამდენად შეეხო მსოფლიო კრიზისი საქართველოს, განსაკუთრებულად ეკონომიკის რომელი სფერო დაზარალდა და რატომ.

ჩვენთვის მისაღები და საინტერესოა თანამედროვე ფინანსისტთა აზრი ამ საკითხის გარშემო, ამიტომაც ნაშრომში უზვად ვიხილავთ მათ მოსაზრებებს და ბევრგან წარმოდგენილი გვაქვს ციტატის სახით.

საბოლოოდ დასკვნის სახით ვასრულებთ მიმდინარე ნაშრომს და ვუთითებთ გამოყენებულ ლიტერატურას.

Summary

In the beginning of the theme we are considered the challenges of globalization, which are essential for economical development.

In the theme we're considering even that suggestions, where world financial crisis haven't been touched to Georgia for one simple reason - there is no economy, and it could not be an event.

Let's review, how the world economic crisis haven't been touched to Georgia, particularly which economical area incurred losses, and why.

Modern financiers opinion about this issue are acceptable and interesting for me, so I presented a lot of works and ideas in the form of a quotation in this theme.

Finally, we conclude the paper and indicate the references.

* * * * *

2008 წლის მსოფლიო ფინანსურმა კრიზისმა დაამტკიცა, რომ საერთო მსოფლიო გლობალური პროცესების გათვალისწინების გარეშე არ არსებობს ეროვნული ეკონომიკური პროგრესი. ყოველთვის ხელისუფლება ვერ არის სათანადო სიმაღლეზე, ვერ ითვალისწინებს იმ სირთულეებს, რომლებსაც სთავაზობს გლობალიზაციის პროცესი. „ის ქვეყნები, რომლის ხელისუფლებას „დაავინყდება“, რომ გლობალიზაცია მაკროეკონომიკური თვალსაზრისით, უპირველეს ყოვლისა, არის კონკურენცია, რომელშიდაც მონაწილეობენ ფირმები და არა ქვეყნები, რომ კონკურენციის შედეგები აისახება ქვეყნების მდგომარეობაზე და არა მხოლოდ ფირმების სამეურნეო შედეგებზე, განწირული არიან ხანგრძლივი პერიოდით ჩამორჩენისათვის“.

თუ შევთანხმდებით იმაზე, რომ მსოფლიო ფინანსურმა კრიზისმა გავლენა მოახდინა საქართველოს ეკონომიკაზე, ან თუნდაც საწინააღმდეგო მოსაზრება გაგვაჩნია იმ მოტივით, რომ არ არსებობს ეკონომიკა და ვერ იქნებოდა მოვლენაც - ორივე შემთხვევაში მივდივართ ერთ დასკვნამდე: ეკონომიკური განვითარების

გარეშე სახელმწიფო ვერ იარსებებს. (ეკონომიკის „არ არსებობასაც“ საქართველოში თავისი მიზეზები აქვს, ყველასათვის ცხადი და არახალი: რუსეთის იმპერია საქართველოს საუკუნეზე მეტ ხანს მართავდა, როგორც იმპერიის შემადგენელ ნაწილს. იგი ყოველმხრივ აფერხებდა ქართულ ინიციატივებს დამოუკიდებელი ეკონომიკისა და მათ შორის მრეწველობის განვითარების სფეროში.)

ფინანსური კრიზისის მოსალოდნელობა და მისი დამანგრეველი ზემოქმედების გაცნობიერება საინტერესოდ წარმართა საქართველოში. სამწუხაროდ, აქ „მსოფლიო კრიზისის შესახებ სწორი წარმოდგენების შექმნა მხოლოდ მას შემდეგ მოხერხდა, როდესაც ჩვენდამი კეთილად განწყობილმა ქვეყნებმა (ანუ დონორმა ქვეყნებმა) და საერთაშორისო ორგანიზაციებმა, ზრდილობიანი უარი გვითხრეს დახმარებაზე წინასწარ დაპირებული მოცულობით, სწორედ, მსოფლიო ფინანსური კრიზისის მიზეზით“ ..

ამ დროს ბეჭდურ მედიაში ისევ ჩნდებოდა ნაცადი „ხერხი“, თითქოს საქართველო მსოფლიო პროცესებში არ არის საკმარისად ინტეგრირებული და ეს კრიზისი სრულიად უსაფრთხოა. „ქვეყანა, როგორც ნაფოტი ზღვაში, ისე „დრეიფობს“ მსოფლიო ეკონომიკურ სივრცეში. შესაბამისად ლაპარაკი იმის თაობაზე, რომ ჩვენ მსოფლიო დინამიზმის დესტაბილური ტენდენციები არ შეგვხება, არა მარტო შეცდომაა, არამედ დანაშაულიცაა“ .

მაშინ, როდესაც მსოფლიოში ეკონომიკური კრიზისი მძვინვარებდა, ჩვენი მთავრობა დროდადრო გვამცნობდა, რომ საქართველოს ჯერ იყო და კრიზისმა გვერდი აუარა; მაღე „გვახარეს“, რომ კრიზისი ჩვენს ქვეყანაში უკვე დასრულდა; ე. ი. მივიღეთ შემოუსვლელოდ დამთავრებული კრიზისი.

„მსოფლიო კრიზისი ხდება საქართველოსათვის გლობალურ გარემოში გზამკვლევი. ეს გახლავთ გლობალიზაციის მთავარი გაკვეთილი საქართველოსათვის და საჭიროა სათანადო დასკვნების გაკეთება“.

თანამედროვე მსოფლიო ფინანსური კრიზისი დროში სრულიად შემთხვევით დაემთხვა საქართველოში მიმდინარე საომარ მოქმედებებს. 2008 წელს საქართველოში შემოსულმა ინვესტიციებმა 1564 მილიონი დოლარი შეადგინა, წინა წელთან შედარებით 600 მილიონით ნაკლები.

უნდა აღინიშნოს, რომ გლობალური ფინანსური კრიზისის ზეგავლენის ნიშნები ჩვენი ქვეყნის ეკონომიკას აგვისტოს მოვლენამდეც დაეტყო, რამაც განსაკუთრებით საბანკო და სამშენებლო სექტორში იჩინა თავი. ჩვენი ბანკები, როგორც წესი, მუშაობენ საერთაშორისო ბაზრებზე ნაშოვნი იაფი სესხებით და ამ კრიზისის შემთხვევაში მათთვის იაფი სესხები უკვე ადვილად ხელმისაწვდომი აღარ იყო. ბუნებრივია, ქართულმა ბანკებმა საპროცენტო განაკვეთები გაზარდეს. ბანკები რეალურად კრიზისის წინაშე დადგნენ. 2008 წლის ბოლოს ბანკებმა დაიწყეს კადრების შემცირება. ამ პერიოდში საბანკო სექტორში სამუშაო დაკარგა 6000-მდე ადამიანი. ფინანსური კრიზისი საქართველოში ბანკების პარალელურად ყველაზე მეტად სამშენებლო სექტორს შეეხო, რადგან სამშენებლო პროექტების უმ-

რავლესობა ძირითადად მოსახლეობის მხრიდან მობი-
ლიზებული საბანკო კრედიტების უზრუნველყოფით
ხორციელდებოდა. სამშენებლო სამუშაოები შეჩერდა
და მათი მნიშვნელოვანი ნაწილი საერთოდ შეწყდა.

მდგომარეობა გაართულა იმანაც, რომ რუსული
აგრესიის შემდეგ საქართველოში უცხოური ინვეს-
ტიციებიც შემცირდა, ქვეყანამ დაკარგა საკმაოდ ბევრი
ინვესტიცია. სურსათის ფასები თითქმის 30 პროცენტით
გაიზარდა. გაიზარდა ასევე ნავთობპროდუქციის ფასე-
ბი. მედიკამენტებიც გაძვირდა. ამ საკითხთან დაკავ-
შირებით ყურადღასღება სოციოლოგიური გამოკითხვა
და პროცენტული მაჩვენებელი:

ლარის კურსის გამყარებამ ნეგატიური გავლენა
მოახდინა იმ ადამიანებზე, რომელთა შემოსავალი ან
ხელფასი უცხოურ ვალუტაში აქვთ და იმ ადამიანე-
ბზე, ვინც დახმარებას იღებს საზღვარგარეთ წასული
ოჯახის წევრებისა და ნათესავებისაგან. თუ ადრე 100
დოლარში ადამიანი 185 ლარს იღებდა, ახლა 165 ლარს
იღებს.

უდავოა, კრიზისი ნეგატიურად აისახა პირველ რიგ-
ში იმ ქართულ კომპანიებზე, რომლებიც ექსპორტს ახ-
ორციელებდნენ ევროკავშირში. კრიზისის პირობებში
ევროზონაში (და მთლიანად ევროკავშირში) მათ მიიღეს
ნაკლები შეკვეთები, კონტრაქტები და ცხადია, ექსპორ-
ტის მოცულობა შემცირდა. კრიზისმა გავლენა მოახ-
დინა იმ ოჯახებზე, რომლებიც დახმარებებს ფულადი
ტრანსფერების სახით ღებულობენ საზღვარგარეთ სა-
მუშაოდ წასული თანამემამულეებიდან. საქართველოს
ბაზარი დიდწილად იმპორტზეა დამოკიდებული. ადგ-
ილობრივი აგროპროდუქცია შიდა ბაზრის მოთხოვნის
მხოლოდ 12 პროცენტს აკმაყოფილებს. შესაბამისად,
მსოფლიო ფასები ქართულ ბაზარზე მყისიერ გავლენას
ახდენს.

საქართველოში, ეკონომიკური კრიზისის პირო-
ბებში განვითარების ტემპი დამოკიდებულია უპირვე-
ლესად გარე ფაქტორებზე: საგარეო ვალზე, იმპორტის
სტრუქტურასა და ფასებზე და მათ მიერ განპირობე-
ბულ ფისკალურ ეფექტზე, ასევე დოლარის კურსზე.
მოსახლეობის დასაქმებისა და შემოსავლების დონე (შე-
საბამისად, ცხოვრების დონე) არსებითად დაკავშირე-
ბულია ამ ფაქტორებთან. აქედან გამომდინარე, საინ-
ვესტიციო პროცესში სახელმწიფოს მონაწილეობა მნიშ-
ვნელოვნად შეუწყობს ხელს დასაქმების ზრდას, მოსახ-
ლეობის შემოსავლებისა და ბიუჯეტის სტაბილურობას
და შეამცირებს ქვეყნის ეკონომიკის დამოკიდებულებას
გარე ფაქტორების გავლენისაგან.

საქართველოსთვის უპირატესი მნიშვნელობა ენი-
ჭება ისეთი ეკონომიკური პოლიტიკის ფორმირებას და
განხორციელებას, რომელიც ეკონომიკის მდგრადი გან-
ვითარების საშუალებას მოგვცემს, რომლის საბოლოო
მიზანიც არის აღდგენილი და სიცოცხლისუნარიანი
ქართული ეკონომიკის შექმნა.

დასასრულს, გაკეთებული იქნა შემდეგი სახის გან-
ზოგადებული დასკვნები:

- კრიზისიდან გამოსვლის შედეგად მსოფლიოს ეკო-
ნომიკა, თუ როგორ უნდა გააგრძელოს საქმიანობა
გლობალურ გარემოში.
- კრიზისმა ხელი შეუწყო ცალკეული რეგიონების
დაახლოებას და უკვე არსებული გაერთიანებების

მჭიდროდ თანამშრომლობას და ერთიანი გადაწყვე-
ტილებების მიღებას.

- 2008 წლის მსოფლიო ფინანსურმა კრიზისმა დაამტ-
კიცა, რომ საერთო მსოფლიო გლობალური პროცე-
სების გათვალისწინების გარეშე არ არსებობს ეროვ-
ნული ეკონომიკური პროგრესი.
- ლაპარაკი იმის თაობაზე, რომ ჩვენ მსოფლიო დი-
ნამიზმის დესტაბილური ტენდენციები არ შეგვეხე-
ბა, არა მარტო შეცდომაა, არამედ დანაშაულიცაა.
- ქვეყნის მაკროეკონომიკური პროგრესი მჭიდროდაა
დაკავშირებული მსოფლიო განვითარების დინამიზმ-
თან და გამომდინარეობს გლობალური ეკონომიკუ-
რი კანონზომიერებებიდან. ამ თვალსაზრისით, სა-
ქართველო ინტეგრირებულია მსოფლიო სამეურნეო
სისტემაში იმდენად, რომ მისი მაკროეკონომიკური
შედეგები განისაზღვრება გლობალური ეკონომიკუ-
რი პროცესებით. შესაბამისად, საქართველოს სო-
ციალურ-ეკონომიკური განვითარების მსვლელობის
ანალიზი შესაძლებელია ერთიანი მსოფლიო პროცე-
სებიდან გამომდინარე.
- მსოფლიო კრიზისი ხდება საქართველოსათვის გლო-
ბალურ გარემოში გზამკვლევი. ეს გახლავთ გლობა-
ლიზაციის მთავარი გაკვეთილი საქართველოსათვის
და საჭიროა სათანადო დასკვნების გაკეთება.

გამოყენებული ლიტერატურა

1. გველესიანი მ. ეკონომიკის. თბ. „კომენტარი“. 2000.
2. გველესიანი მ. რა არის ეკონომიკური პოლიტიკა.
თბ., კომენტარი. 2008.
3. ლემონჯავა პ. აბრალავა ა. ეკონომიკის პრინციპები,
თბ., 2011.
4. sskgc-ს ბიულეტენი №114 თბ., 2009
5. საქართველოს ეკონომიკა (ჟურნალი) № 4 თბ., 2009
6. საქართველოს ეკონომიკა (ჟურნალი) № 2 თბ., 2009
7. პაპავა ვლ. ოთხი წელი «ვარდისფერ» პარლამენტში.
«სიახლე». თბ., 2009.
8. საქართველოს სოციალურ-ეკონომიკური მდგომარეო-
ბა. საქართველოს სტატისტიკის სახელმწიფო დეპარტა-
მენტი, თბ., 2010.
9. თბილისის ეკონომიკურ ურთიერთობათა სახელმ-
წიფო უნივერსიტეტის სამეცნიერო შრომების კრებული,
თბ., 2009
10. ჭუმბურიძე მ. ეკონომიკურ მოძღვრებათა ისტო-
რია, თბ., 2009
11. იაკობიძე დ. საქართველო და მსოფლიო ეკონომი-
კური კრიზისი, თბ., 2009
12. სოციალური ეკონომიკა (ჟურნალი) სპეციალური
ნომერი № 1 (13) თბ., 2011
13. Куряев А. В. Пер. с англ. Бум, крах и будущее, Анализ
австрийской школы Москва. «Социум» 2010.
14. Ротбард М. Н. Экономические депрессии; их причины
и методы лечения Пер. с англ. А. В. Фильчука Москва.
«Социум» 2010.
15. <http://www.mes.gov.ge/>
16. <http://www.statistics.ge/>
17. <http://www.business.ru/>